

## Transkription von Urkunde SAW 1388c

Ort, Datierung: Salzwedel, 1388-03-11

Signatur: Stadtarchiv Salzwedel, 121/5

Inhalt: Rat der Stadt Salzwedel: Grundstücksverkauf

---

, Wy Radma(n)ne der nygenstad to soltwedele . Coppe brūnowen . herman wisteden . Ermbrecht .  
heyne bok / Thide bōk . henneke kallinen . arnd ghoden . Gherke le(m)men . gherke langenbeke .  
bekennen vnde bethu=/ghen i(n) desse(m) ope(n) breue vor allen de en seen edder horen lesen . dat  
heyneke wysteden borghere in der / olden stad soltwedele . heft vor vs gewesen v(n)de heft gelaten  
heyne sandere vs(en) borghere . allent / wes he mochte hebben . an dem ackere to pūtlencze . an  
wyschen . an holten vnde an allerleyge to behori(n)ge / also he(n)neke sandere ichteswa(n)ne vse  
borgh(er)e . deme god gnedich si . beseten hadde . ok heft eme laten be/su(n)deren . eyne wysch de he  
dar hadde . vortmer heft heyneke wisteden . vor sproken . vor laten allerleyge / to sprake de he<sup>1</sup> hadde .  
to heyne sandere . quyd . vry . ledech vnde los . vnde dar nicht mer ūp to sakende . , / dat dýt  
redeliken vnde rekeliken vor vs gehe schē is<sup>2</sup> . des hebbe wy witliken vs(er) stad ingeseghele laten /  
hengen an dyssen bref . Gheuen na godes bord drytheynhu(n)deret Jar in dem achten v(n)de  
achtegheste(n) / Jare i(n) dem myddeweken na mydvasten , , , /

---

<sup>1</sup> *he* über der Zeile eingefügt

<sup>2</sup> *is* über der Zeile eingefügt